



05371

批點明詩七言律卷四

東明穆文熙敬甫批選

石星拱辰閱正

長洲知縣劉懷恕校刊

莆田陳知占繕書

何景明 字仲默號大復信陽人弘治間進士官學憲

舟次漢陽

穆子曰何詩清淑典麗鏗然瑩然真得風入溫柔敦厚之旨

使客舟從漢口來，武昌城對漢陽開。千年洲在空流水，百尺樓高鎖舊臺。太白未輕崔顥句，老瞞元妬禰

明詩七言律卷四

生才。山川不盡豪華盡，落日煙江思轉哀。

岳陽

楚水滇池萬里遊，使車重喜過巴丘。千家樹色浮山郭，七月濤聲入郡樓。寺裏池亭多舊主，城中冠蓋半同遊。明朝又下章華路，江月湖煙綰別愁。

七夕

夜久高城風露收，微雲斜漢兩悠悠。閨中擣素思關

塞樓，上穿針待女牛。屏燭影深秋似水，池花香澹月

如鈎。桂宮高處寒多少，誰念嫦娥此夜愁。

此作諱如慶雲冷若清麗

然唐方月

○寄君山

塵蹤西過巴陵地尚欠君山寺裏詩十里無緣攜客
到六年不見使人思空巖竹映湘妃廟舊井潮深柳
毅福湖上老仙誰得遇夜寒橫笛向江吹

○華容弔楚宮

別館離宮紛綺羅細腰爭待楚王過章華日晚春遊
盡雲夢天寒夜獵多廢殿有基人不到荒臺無主鳥
空歌西山煙月長如舊只有繁華逐逝波

○月潭寺二首

明詩王言符卷四

二

二詩如光
雨續紛寶
月團圓

玲瓏金刹白雲邊踏閣攀林一徑穿龍出洞門常作
雨鶴巢松樹不知年僧來殿上鳴鐘飯客到山中借
榻眠怪底夜來難得寐秋風窓下遶流泉

綠蘿陰下倒蒲團茗葉松花進晚食近水雲霞晴亦
雨傍巖樓閣晝常寒旅懷寒落逢秋半僧話淹留坐
夜闌惆悵塵蹤又南去朝來鐘磬隔煙巒

○九日黔國後園二首

何處風煙消客愁將軍臺榭枕山丘一年又過重陽
日兩鬢空愁萬里秋水國陰多寒已至炎方霜後瘴

二詩如秋
泉盡鳴衰
涼夜響

初妝。憑高欲送登臨眼。更上池邊百尺樓。
天空遠水明秋岸。梧葉蕭森楓樹殘。黃蘗數從行處
見。紫萸獨向醉中看。浮雲樓觀滇城暮。落日山川楚
道寒。愁憶登高去年客。慈恩湖閣共憑闌。

呂公祠

落日蕩漾古水濱。邯鄲城邊逢暮春。趙王臺榭草花
盡。呂公祠堂松桂新。馬上十年元是夢。世間何處可
還真。黃金白髮俱閒事。赤日紅塵愁殺人。

還家口號

明詩七言律卷四

三

十年奔走違親舍。此日歸來喜不禁。敢向明時輕組
綬。祗緣多病乞山林。閒居擬著潘安賦。高卧寧知謝
傳心。早晚南巖桂花發。開軒相望一長吟。

病後

病後頻驚節序過。不將風景怨蹉跎。秋來門巷依楓
橘。歲晚衣裳戀芰荷。洛下閒居辭宦早。茂陵消渴著
書多。鳳凰池上三年客。驥褭空鳴白玉珂。

以下三詩若
花雜柔萸
鶯亂錦羽
芳華可愛

吹笛

橫笛高城弄晚颼。碧空如水鴈來時。關山月落腸應

斷樓閣。秋生響。易悲揚柳。天邊渾拆盡。梅花江畔故
開遲。武陵回首南征路。一曲那堪馬上吹。

沈逸士來自吳下。能詩善鼓琴。間投篇什見訪。
顧館於城中。予以病不得出。迺作此詩招致。敝
庄。

寂寞秋山卧病年。美人勞贈白雲篇。陳蕃已下迎徐
榻。王子寧迴訪戴船。郭外樓臺堪眺望。水邊花樹足
留連。廣陵失後無新譜。莫惜攜琴為我傳。

秋興八首

明詩七言律卷四

四

大復秋興
八首情景
俱臻妙境
乃千古絕
唱少陵老
子為不能
擅美矣

高樓一上思堪哀。木盡山空鴈獨迴。萬里關河迷北
望。無邊風雨入秋來。故人尺素年年隔。薄暮清砧處
處催。徒有寒樽對花發。病懷愁絕共誰開。

憶在京華近侍年。五更清珮入朝天。鳳凰池接夔龍
會。閭闔樓開日月懸。南國自通滄海貢。胡塵不動玉
門煙。只今病卧遙回首。夜夜清光北斗邊。

前歲。今皇新御極。鳳銜恩詔出。明廷孤槎奉使日。
南國萬里題詩天。畔亭地入金沙江。浩浩風連銅柱
海。溟溟昆明亦在滇城裏。池上虛疑織女星。

蜀中形勝千年在。峽樹江花照使袍。神女廟深虛暮
雨。漢王臺迥落秋濤。漁人東望滄浪闊。客子西來滯
頽高。不見啼猿繫舟處。風波遙夕夢寬勞。

漢使東馳入楚來。長沙秋望洞庭開。江清樓閣中秋
見。日落帆檣萬里迴。去國尚思王祭賦。逢時空惜賈
生才。湘南兩度曾遊地。惆悵煙花暮轉哀。

秋來門巷少經過。日日幽懷對薜蘿。一笑流光拋客
路。十年歸夢落漁簑。沙邊返照寒初斂。水上浮雲晚
故多。苦憶梁園詞賦客。黃河愁望渺煙波。
時李獻吉在汴州

明詩七言律卷四

五

七

裊裊西風歇衆芳。天高谿谷迴煙霜。孤城落鴈衝寒
水。萬樹鳴蟬帶夕陽。塵滿一區揚子宅。蓬生三徑蔣
公堂。相過未有高陽輩。醉裏狂歌亦自長。

千年申國有提封。楚塞重關渺未窮。舊事祇看東逝
水。高臺不斷北來鴻。連山落木蕭條後。隔坐殘花悵
望中。正是平居多感慨。祇須詞賦答秋風。

寄贈劉東山先生次林都憲韻

一疏歸來卧舊山。幾迴天上識容顏。城邊黃石留侯
去。海內蒼生謝傅閒。日月夢隨天闕仗。煙波家在洞

庭灣南瞻江漢無多路不得乘槎一往還。

九月二十六日同賈廣文劉舉人任貢士高舉

府先生宅內賞菊三首

秋來搖落儘堪嗟喜見孤芳殿物華深院護籬元密
密小堂穿徑故斜斜清詞屢動詩人座白酒還逢處
士家老逐少來無住日莫教空負滿頭花。

淺白輕黃千萬枝幽香今日始相期中雨籬落人稀
到水畔亭臺蝶不知折向秋風堪寄遠種因晚節故
開遲去年此會今皆健來歲花時可對誰

明詩七言律卷四

六

野店山家開已殘寒來移近曲闌干亭亭似與霜華
鬪冉冉偏隨月影繁千里况逢佳客賞幾人能得故
園看清尊歲暮東籬下采采金花不滿盤

無題

艷舞嬌歌出絳紗黃金不惜教琵琶鴛鴦本是雙棲
鳥箇箇元開並蒂花紫玉豈忘韓重侶綠珠寧負季
倫家多情自古還多恨腸斷春風巷柳斜

答雷長史二首

汝上相逢歲已長故人官况近荒涼天涯白髮催遲

三詩如丹
葩耀日綠
竹搖風

情態若長
袖隨風悲
歌入雲

暮客裏清尊送夕陽賈誼功名終負漢馬卿詞賦尚
遊梁看君尺素遙相慰况是羊何有和章
十載寒氊鄭畫師風流文采更堪思朱門鼓瑟官仍
達青殿揮毫出每遲百里風煙還薄暮孤城雨雪已
多時極知歲晚傷心切起傍官梅自詠詩

送易太史歸省湖南

楚鄉秋去息風塵碧石清沙江色新入里競迎金馬
士趨庭遙拜白頭人天邊拄杖尋南嶽海畔登樓望
北辰亦是長沙詞賦客莫看搖落重傷神

明詩七言律卷四

七

八日王宗哲宅見菊

燕臺菊樹艷秋堂楚客鄉心益渺茫人世幾回逢一
笑天涯明日過重陽高雲錦石寒相映細雨晴沙濕
不妨况是右丞多雅詠可能無興醉花傍

輞川

飛泉萬壑通藍水及徑千峯入輞川野老豈知旌節
到世人空作畫圖傳龍巖岸折深無地雞犬林開忽
有天即此買山堪避俗桃源何必訪神仙

摩詰詩中
有畫此作
似之

此作如雲
日輝映水
月澄鮮

壽西涯相公

黃閣文章鳴大雅。玉機功業贊維新。十年天下先憂
淚。五畝園中獨樂身。南極壽星朝北斗。靈芝仙草映
長春。裴公郭相看前代。社稷蒼生望老臣。

○小齋初開崔郭田三君子至

風致如月
出石渠其
蓉散華

本買齋堂為客居。敢扳冠蓋枉吾廬。清風座引高人
榻。深夜門停長者車。竹下涼蟾輝几杖。花間螢火靜
琴書。黃門翰苑俱鄰近。濁酒盤飧意不踈。

○寄黔國公

萬里山川開百粵。十年戎馬暗三巴。伏波銅柱衝炎
塞。橫海樓船出瘴沙。鴻鴈不傳天北字。瓊瑤空憶日
南華。飄飄奉使金門客。目斷銀河八月槎。

○七夕

楚客旅魂驚巧夕。燕京風俗鬪穿針。樓臺送暑催秋
扇。關塞迎寒起暮砧。海內弟兄風雨夢。天涯兒女歲
時心。乘槎莫問支機石。河漢年年此夜陰。

○宗哲初至夜集

衛川舟楫九秋旋。京洛衣冠更此筵。萬里况逢鴻鴈
候。一杯仍對菊花天。燈前月落城烏起。堂上雲開塔

樹懸聚散古今同逆旅莫看風景倍悽然

○ 月夜王宗哲宅贈田子之江西

高城吹角此宵寒遠客今歌行路難歲暮風煙殊去住天涯燈火共悲歡西江日落移舟入南斗星懸倚劔看廬岳玉山千萬里不知何地望長安

送殷近夫之青田

詩意如清川含藻高岸被華

石川居士昔食霞為吏風塵不怨嗟海上故栽彭澤柳江邊新種洛陽花飄飄暮送凌空鳥渺渺春迴上漢槎安得便同仙令去遠從勾漏覓丹砂

明詩七言律卷四

九

高

奉寄泉山先生

北戰南征兵未休我師高卧只林丘蒼生尚繫裴公望白髮寧忘范老憂江上弋人徒慕鷹海邊漁父不驚鷗冥冥蘿月三山外獨倚京華萬里樓

○ 得獻吉江西書

近得潯陽江上書遙思李白更愁予天邊魑魅窺人過日暮鼉鼉傍客居鼓柁襄江應未得買田陽羨定何如他年淮水能相訪桐栢山中共結廬

○ 無題回文

絃中曲怨不同調。早見相如病骨銷。眠獨夜烏啼渺渺。夢多春草碧迢迢。煙生暗閣鸞泥鏡。日落空樓鳳罷簫。年往恨花飄水逝。傳書有鴈一停橈。

送海岳陳翁還常州

海岳先生眉髮青。北遊歸興渺滄溟。雲霄萬里看辰極。河漢孤槎送客星。裊裊花南國。宴萋萋蕙草北山亭。水雲曲奏流金石。風雨蛟龍夜夜聽。

以道席上送世其與其妹丈蕭執夫同行

燕山杯酒暫相隨。楚岸扁舟遠並移。鄉土青春歸有伴。風塵滄海見無期。舊遊每憶三江興。此去遙傳五岳詩。弟妹憐予各飄轉。天涯送汝不勝悲。

兩湖書屋

書屋何年結構成。青天對落兩湖清。岸迴沙檻龍鼉折。水抱晴窓日月生。開卷已知當世事。下帷應見古人情。扁舟南國無由並。暮採芙蓉悵獨行。

送韓大之任新都

漢庭仙吏幾時回。蜀道風煙此日開。萬里一琴將鶴去。九霄雙鳥望鳥來。雲邊石棧斜懸閣。樹裏春流曲

清曠如華館流波豁遠未風

抱臺藏器久知盤錯志脫囊今見古人才。

送劉朝信之江山

江山縣中山木蒼颯颯風林開豫章嶺石細通閩鳥道澗流斜帶楚人鄉青天岸憤時行郭白日彈琴不下堂同學共知年少志豈將書劍負行藏。

送賈學士之南都

金陵樓閣九天開銀漢仙槎萬里來宮月夜懸鳩鵲觀江流春轉鳳凰臺直從北極看南極却望中台接上台嗚世早傳吳下作逢時真羨洛陽才。

明詩三言律卷四

十一

和李宗易內翰立春日作

春日長安車馬迎密煙輕旭弄朝晴詩來草動池塘色吟罷花增館閣清萬里江湖桃竹杖十年風雨鐵燈檠一官樗散空時序又見春盤細菜生。

送施聘之侍御

海甸春風攬轡情燕關驄馬去還鳴繡衣霄漢花間出錦纜江湖樹裏行近日西臺多諫草少年南國有詩名別絃更憶風流調愁聽東城二月鶯。

送劉令還襄陵

聞道襄陵有勝遊。西行風景似南州。竹蟠縣裏青青出。水到城中曲曲流。仙客候鳧知下鳥。吏人迎鵝見回舟。亦知此是棲鸞地。露冕重來只暫留。

送都南濠歸吳

愁論白首爲郎日。喜見青山送老年。去望雲霄皆動色。到知鄉里更稱賢。丹梯五岳盧敖杖。春水三江范蠡船。他日著書應不少。可無人識子雲玄。

送杭憲副兵備天津

天津橋北望京樓。金鼓東行節使舟。日月晝懸滄海樹。龍蛇春壓九河流。百年貢篚通南極。萬里旌旄屬上游。莫笑談兵尊俎上。書生元不爲封侯。

雨過何太僕

簷日陰陰暄晚雷。坐深庭樹不思回。捩風鶴鶴城邊去。截雨虹霓海上來。詩興西堂還舊草。酒杯東閣又官梅。陰符遁甲談兵罷。愁向煙塵兩鬢催。

天壇雷道士院

帝宮高鎖漢郊畿。羽士琴書靜可依。蘿洞晝棲雲霧入。石壇秋禮珮環歸。叢叢晚竹臨風整。嘒嘒玄蟬曳

此作若文
穀輕綺
飄隨風

明詩七言律卷四

日微渡海却思千載事買山今恨十年違

送衛進士推武昌府

風度若鯉
躍晴波鳥
鳴春谷

少年佐郡楚城居十郡風流盡不如此去且隨彭蠡
鴈何須不食武昌魚仙人樓閣春雲裏賈客帆檣晚
照餘大別山前江漢水畫簾終日對清虛

九日獨酌簡何太僕

無客秋堂菊自芳寒城獨酌對重陽愁來轉覺登臺
嬾病裏誰傳落帽狂海內弟兄非異姓楚南賓客本
同鄉十年躍馬從遊地風雨看花意不忘

明詩七言律卷四

十三

懷寄邊子

汝從元歲侍今皇誰念先朝老奉常一出雲霄空
悵望十年岐路各蒼茫春天縹緲金莖露晝日氤氳
紫殿香獨有揚雄尚陪從白頭抽筆賦長楊

題嚴內翰賜扇

端陽綵扇百官傳每歲宮臣賜獨偏君去翰林供奉
久始來經幄拜恩年頒從殿閣風先動捧向雲霄月
並懸象轂銀鐸倍光寵好揚薰吹助虞絃

送舍人陸使吳下

柳拂清江畫鷁飛。節旄更喜便南歸。迴風樹裏吹官
騎。返照河邊上客衣。北固樓臺秋寺遍。長洲花草故
宮非。登臨莫恠多詞賦。吳下才人是陸機。

送徐舍人使南都

御書親奉出金扉。草綠南徐四牡騑。江上登臨鄉思
遠。客中離別宦情微。潮生鐵甕迷前代。雲起金陵識
舊畿。惆悵一春詩社冷。有誰吟對省中薇。

登樓觀閣時。王令叔明邀王敬夫。段德光。康德
涵張用昭四子同遊二首

明詩七言律卷四

古

三詩有揮
袂生風嘯
氣成虹之
意

百丈丹梯俯翠岑。千年壇殿肅陰陰。風吹陸海黃塵
暗。雲去函關紫氣沉。春花况屬絃歌邑。勝地還成翰
墨林。香山洛社俱寥落。文采流傳直到今。

峻閣含風落照孤。憑高千里視平蕪。鳳笙錦曲春縹
緲。瑤草金光晝有無。採藥幾時尋碧海。種桃無復問
玄都。五陵冠劍豪遊地。猶是長安舊酒徒。

孫一元

字太初。號太白山人。關中人。正德間遊吳越。因家南屏山。

×吳興浮碧亭

浮碧亭前湖水平。拍檻呼酒雙眼明。青天不動釣絲

太初詩神
采秀發不
滌色相假
使與謫仙

並起一時
則古體近
作當互有
長短

捲白魚入手。漁舫輕悲風。萬里動南紀。落日一望搖
東瀛。沙鷗野鷺少機事。道人亦有滄洲情。

南征

南征五月動旌旄。瘴靄蠻煙望目勞。此日壺漿迎虎
旅。幾年江海泣弓刀。戍樓鵬落風雲壯。野日猩啼戰
壘高。更喜皇天能悔禍。不妨遊子卧江臯。

滄江

千林草樹靜相依。來往尋詩坐釣磯。地近青春惟鳥
雀。夜來新水到柴扉。中原落日愁多夢。萬里滄江定

三首如風
外漁笛音
韻飄渺

明詩七言律卷四

五

類言

不歸擬向鹿門為地主。不妨常着芰荷衣。

○辛未中秋同張秋泉僧龍玉升顯東明西湖泛

月

一望晴煙破暝幽。湖天灩灩月初浮。旋攜斗酒呼鄰
父。小有蔬盤上釣舟。笛咽水龍中夜冷。林搖河影萬
山秋。人間回首悲何事。欲覽清光最上頭。

秋夜眺鎮海樓

樓上輕雲散女婢。樓前狂客獨支頤。江當夕照半添
色。詩與秋山兩鬪奇。木葉無言時序暮。塵寰多事杳

天然音傳
不假推敲
俊

藜知只應又被漁郎笑。雨細斜風歸去遲。

新卜南屏山居

石上藤蘿對夕曛。解衣長日坐來頻。挽回滄海真無計。領畧青山合有人。養鶴似嫌雙日累。為漁又過一生身。相逢惟是南屏老。獨樹柴門許結鄰。

山居着野服

道人占斷南屏景。十里青山帶郭斜。對水柴門通鶴渚。隔鄰煙火是漁家。岳頭老檜占風雨。石上昌陽閱歲華。粧點太平還着我。棕鞵桐帽送生涯。

明詩七言律卷四

十六

陳中占本寺書于寒山寺

別吳野航約遊嚴陵釣臺

一曲離歌日欲晡。寒雲漠漠亂靡蕪。晚風江上人初別。黃茂樓中酒謾沽。凍樹裹花春有迹。暮林無葉月平鋪。明年準擬桐江去。共訪嚴陵舊釣徒。

登吳山絕頂望錢塘江潮

獨倚危崖接巖晚。潮初上練痕齊亂。搗鼉鼓妖蛟舞。倒捲銀山海日低。弓弩千年人去後。帆檣萬里望中迷。憑誰喚起眉山老。為誦錢王廟裡題。

同顧九和侍講鄭繼之戶部顧與成正郎殷近

諸詩如沈芷澧蘭幽芳襲人

夫縣令泛太湖作軍中樂酒酣賦詩

洞庭秋老翠波陀。景物恢奇可望裏。過石柱。天風迴鶴。鶴海門。波浪見鼉鼉。帆檣萬里憐漁父。鼓角中流和擢歌。獨倚蓬牕。渾不醉浮雲西北意如何。

殷近夫養二鶴每予至輒相對舞愛而作詩贈

之

為愛使君雙舞鶴。杖藜相過水雲鄉。入門瘦影當窓見。隔樹閒行共我長。碧海青天憐昨夢。朱琴瑤月闕圓。吮他年結屋羅浮上。萬樹梅花待汝翔。

明詩七言律卷四

十七

章并

癸酉中秋同吳興凌時東海昌董子言陳用明

西湖玩月爛醉歌此

中四聯如
露彩泛艷
月華徘徊
十里蕪葭雨盡妝。西湖一望月光浮。野袍白幘同幽事。菰米蓮房作好秋。波靜龜龍聽醉語。夜涼河漢帶漁舟。高情盡在形骸外。不用逢人說勝遊。

與施邦直過南野堂訪陸如崑侍御遊道場山

泛碧浪湖臨別書此

三詩如芙蓉
葉照沙蕪
花覆水
一笑長髯意已投。角巾相對草堂秋。看山載酒青藜健。籠鶴尋僧盡日游。浮世多悲去鳥野。人道在只

滄洲他年寄跡來南墅小結芳鄰水竹幽

晚晴獨眺昇山絕頂

石磴天風笑語清。捫蘿直上思猶輕。斷虹妝雨青山出。白鳥弄波斜日明。跡學漁樵成久業。身隨麋鹿長高情。兵戈滿眼真何意。只漫蓬蒿過一生。

潜菴

避俗年來學養慵。惟憐猿鶴日相從。閒看流水孤筇往。偶與歸樵一徑逢。老去形骸無長物。清留門戶有高松。空教使者求顏闔。知入雲山第幾峯。

明詩七言律卷四

六

章軒

遊西湖有引

甲戌秋七月十三日李叅戎汝盛南征功成着野服訪一元于南屏山中既與棹舟湖上放歌飲酒於渚蒲沙鷗之間盡日樂甚因謂西湖自坡仙逝後五百載無此樂矣今日一元與汝盛有之為作一律以志他日有求其跡者於此亦可見云

虎旅將軍功業新也來林下放歌頻幾年天地傷多事此日江湖合有人菱葉亂迎青雀舫波光忽動白

綸巾。君王若念南征意，乞與西湖寄此身。

陪汝盛遊勝果寺酒酣登月輪峯望錢塘江潮

間來野寺尋幽事。扶醉登臨興更豪。山脚遙分雲樹

碧。海門初上浪花高。坐當落日吟偏壯。望入中原首

重搔。投老要窮奇絕處。不妨隨地混漁樵。

種竹

種竹荒圃手記曾。滿林蒼翠盡騰凌。遙連野水青無
間。斜壓秋雲冷。不勝慣覓漁竿防稚子。祇分拄杖與
山僧。黃陵歌罷無人和。明月闌干只自凭。

明詩七言律卷四

十九

錢世英

烏啼

烏啼野樹歲將暮。滿眼菜蔬行路艱。老我祇應依白
隴。幾人猶未識青山。百年知己長鏡在。萬事無心拄
杖閒。獨倚高原望明月。隔雲黃鶴幾時還。

和劉元瑞叅政夜歸見寄

林下輕涼慙素襖。雨晴薄暮景偏餘。閉門句好香殘

後。搗藥聲高月上初。意外區寰元自廓。山中靜業未

全疎。他年杖屨來尋我。同在羅浮頂上居。

○至日攜杖登道場山

二首如展
躡七盤長
袖翩翩

隱
初
押
安
名
見
筆
力

此作有八
極寸時萬
物一指之意

瞥眼風塵歲屢遷。椒盤栢酒自留連。半生作計閒為上。到處論文山最賢。好句忽成黃葉寺。小舟漫倚白鷗天。松聲泉語無人會。獨坐巖頭意已傳。

王庸齋方伯顧與成叅議見訪山中

柴門車馬藩侯重。下榻高談盡日懽。笑我風流丘壑相對。君倒着竹皮冠。山中芝草闌干長。石上松陰空翠寒。記得晦翁詩句好。一川風月要人看。

春晚歸山中草堂

生涯未了烏藤杖。裹足茅茨年復年。報答清朝渾是句。破除塵事總宜眠。生來白石仙人分。老結碧山學士緣。賸有一裘行帶索。等閒嬾坐野狐禪。

送李劔州白甫

發船搥鼓使君行。望裏連雲棧閣橫。此日黎元猶在念。十年格鬪喜初平。鐵堂峽繞秦山遠。玉壘峯連漢水清。更喜文翁今在蜀。此行須見治功成。

衡門

投老衡門不用名。閒雲時伴一身輕。牀頭酒盡春剛去。座上山青詩又成。淺水短蒲蛙閣閣。澹煙修竹月

盈盈憑誰為問天。隨子藥草新生較數莖。詳見陸龜蒙詩

○ 秋夜坐吳山僧舍

詩意如秋風嫋嫋洞庭葉下

夕陰一抹暗江城。入夜星河淺澹明。渡水煙寒千樹暝。隔林雲卧一僧清。絡繹蟲故故催機杼。木葉蕭蕭送雨聲。獨坐山窓情自會。燈花無那向人青。

○ 乙亥元日

元日狂歌倒竹樽。東風昨夜到柴門。生逢盛世憂何事。家在青山道自尊。殘雪疎林開舊色。白沙細浪長新痕。春來漫有滄洲興。文鷺銀鷺滿釣輪。

明詩三言律卷四

廿一

錢世英

乙亥孟夏十六日范文一昆仲約余同汪進之

方質父泛舟西湖倡和二首

首章如桂殿留董習生涼

雲移洲渚樹迴灣。來泛湖光十里閒。逸客風流同白幘。道人詩句說青山。天留晚景平波上。鷗落漁家亂竹間。此意與君須領畧。菰蒲明月棹歌還。

次章如蘭棹停霞英英不散

載酒同尋白鷺灣。相看一笑意猶閒。殘雲隔水空詩句。歸鳥度雲見晚山。謝氏賓朋牛渚上。岑家兄弟漾陂間。醉歌小海無人和。獨與漁郎泛月還。

○ 棲雲樓

樓上閒雲萬頃漫愛雲長日倚闌干巖花半落嵐光
重木葉亂鳴江雨寒野老自甘泉石味兒童時進蕨
薇盤閑來更覺青山好湘簾疎簾靜裏看

○九日登高

諸詩若陽
阿之舞激
楚結風
南屏九日登臨地望裏風煙秋事幽青蒞娟憐物
候孤帆裊裊隔江洲秦雲籠樹歸心遠易水燕山落
日愁詩罷長吟還自佇汀鳧沙鴈晚相遊

新築茗溪草堂成

白沙翠篠淨江潭新築堂成映色寒旋有飛鳧臨釣
石即看浴鷺傍清湍扁舟此日鴟夷子木榻經年管
幼安長暇南鄰呼酒伴一尊相對坐林巒

史明古

號西村吳江人正德間山人

松陵夜泊

城陰分手即天涯嶺樹江雲別路賒未到故園猶是
客忽聞鄉語似還家燈前今夜愁無寐鏡裏明朝髮
有華欲問歸舟何處宿月明和鴈在蘆花

○登吳興慈感寺閣

亭亭高閣倚斜暉廿載曾從此地歸往事已隨春草

換重來似覺故人稀。孤城近水青山映，遠樹連雲去鳥微。欲繫扁舟嗟未得，靡蕪新綠釣魚磯。

夏言

江西人嘉靖間大學士

次合溪

黃茅僻塢竹雞啼，駐馬孤城落日西。山郭暝烟還遠近，野田流水自高低。畫樓直倚青蘿壁，粉堞遙連碧草堤。把燭空庭噴列炬，柏臺驚起夜烏栖。

貴州鎮巡諸公餞別新橋官亭次劉亞卿南峯

東郭官亭草樹閒，玉杯錦席照離顏。歸旌遠去雲千里，旅夢孤飛月萬山。楊柳新橋秋色裡，芙蓉南嶼碧

明詩言律卷四

二十三

溪間殊方送客勞，賢主薄劣真慚奉使班。

寶坻公館次周太僕子庚韻

節後黃花開不遲，暮寒亭館客來時。天空遠塞低鴻雁，風散高城急鼓鞮。澤國蕪葭秋水暗，沙村楊柳暝烟垂。清霜落木滄江迥，獨坐長吟有所思。

象麓草堂初成和杜柬方石山尚書郎

水碧沙明洲渚迴，雲深竹靜草堂開。北風山木蕭蕭下，落日江帆片片來。有客相過時載酒，主人無事日

夏公律法精
嚴間出逸趣
也唐燕許手筆

登臺愁看直北關山迥。白草黃雲秋正哀。

奉次健翁國老烈橋卜築韻

坐隱烏皮戴鶡冠。野情林壑久相安。俸錢舊買青山近。卜築今依綠野寬。晚水鷗羣團北渚。曉空猿嘯響南巒。不堪極目高原上。一夜霜風萬木丹。

石龍書院次韻題黃久庵卷

湖水青青映石龍。青山合起紫霄宮。林藏嶽麓千峰雨。瀑引匡廬萬壑風。何許子猷來剡曲。幾年諸葛卧隆中。平生夢想天台路。歲晚相尋黃次公。

明詩七言律卷四

三四

滕王閣新成次巡撫陳公韻

郡城西北見高樓。迥接風烟萬里秋。帝子不來歌舞歇。長江空繫古今愁。帆開遠浦鳧鷖亂。客散東風烟霧收。喜見中丞停節鉞。不因登覽得咨諏。

睦擘 周藩宗正號西亭

答少峰使君舟行見憶

錦纜雕檣泛夕烟。青春繡服儼神仙。千重雪浪尊前灑。萬疊雲峰鏡裡懸。興合江山常載筆。情淹水竹一披筵。使君故枉瑤華贈。愧非羊何寡和篇。

宗正博學
修行有河
間淮南之遺
而詩尤颯
然有致

東坡書院成用前韻再答少峰公見贈

青竹為籬柳拂簷紫苔沿逕草榮簾
即遊詎識江湖遠坐隱那知歲序添
遲客暮雲還諳諳窺入春月轉
織織匣中幸有瑤絨在徙倚芸窓幾自拈

雪後送少峯公之山東

陌上張筵惜去留况逢殘日映寒流
千山雪色迎仙幄九曲波光遶使舟
碧草屢陪羌苑賦甘棠遙憶大東游
共傳執法聲猶在歲晏聊寬兩地憂

安瀾周藩殿下號小山

贈維揚胡素愚山人

淮海從來有俊人苦吟心事薄遊身
百篇詞調能追古五嶽襟懷迥出塵
遠道步移青竹杖澄江影動白綸巾
他年與尔尋真去流水桃源一問津

秋興

羽檄星馳尚未休中原飛挽日徵求
邊關諸將誰驅策廊廟元臣自運籌
鴻雁迢迢還應候黃花冷落不禁秋
請纓投筆知無分白首空懷杞國憂

夏日顧徠山閩帥過飲洗塵亭泛舟

余素文在
亭宗正知其
善詩茲復得
小山集評之
為刻三首與
西亭並傳使
觀者知梁園
文詞之盛即
當日之平甚
不啻也

柳外遙聞嘶驪驪。元戎旌節到茅堂。窓含碧霧。琅玕色。波動清漪。苗苗香。懶慢吾生真豹隱。飛騰君志自鷹揚。投壺雅詠誰能似。南國風流顧辟疆。

宋登春

號鷺池新河人山人

自楚歸訪李北山少卿於濮上

先遊之前
裴後遊齊
魯居嶧出魯
為啓辭德
潘之聘脫然
世故若有髮
僧時又啖大
浮白類高陽
酒徒李伯承
序其始末如
此

十載南冠學楚吟。半生踪跡任浮沉。秋風客路馮驩
銕。暮雨山堂叔夜琴。濮上故人聞獨釣。山中叢桂得
相尋。歸來不惜黃金盡。易水歌殘壯士心。

和李北山飲會臺莊韻

明詩七言律卷四

二六一

雄圖霸業自消沈。舊井荒臺蔓草深。遠樹霏微連嶽
色。高原蜿蜒帶河陰。野塘秋水莊生賦。沙苑幽蘭楚
客吟。當日牛山空下淚。誰知淒斷雍門琴。

和李北山遣興韻

桂樹冬榮覆院幽。護寒鸚鵡傍青油。小姬對月媮教
舞。少婦鳴箏不下樓。白雪長吟招楚客。黃金那惜買
吳鉤。不知婚嫁何時畢。五嶽竒蹤入卧遊。

汪沂

字希點號魯狂新安人嘉隆萬曆間山人

汪壽梁晚
而耽詩尚堪
千里

逍遙園歲暮留別陳本容兼簡吏部穆公

陳琳詞賦知名久。歲暮玄亭始晤君。正好連林深結伴。不堪岐路復離群。染園此日衝寒雪。漳水他時倚暮雲。一葦黃河天咫尺。莫懸高榻待論文。

于謙 字廷益 錢塘人 官兵部尚書 正統間

壁間畫瀟湘八景

烟寺微茫幾杵鐘。漁村斜照夕陽紅。平沙雁落迷殘露。遠浦帆歸趁晚風。山市微嵐孤嶼斷。江天欲雪暮雲同。洞庭月色瀟湘雨。想像陰晴似夢中。

秋峯

浮雲散盡雨初晴。天際群峯削不成。萬朶芙蓉相掩映。九華仙掌自分明。幽崖樹色經霜古。絕頂松濤入夜驚。日夕南樓增爽氣。可能相對豁吟情。

秋興

萬寶初成斂化功。眼看秋色有無中。開殘籬菊侵晨雨。落盡庭梧昨夜風。野草從教霜後白。江楓故向日邊紅。蘆花兩岸滄江闊。管領烟波屬釣翁。

楊胤賢

號小竹 嘉靖丁未進士 壽張人 官副使

夏日訪穆考功石符卿園亭次王山人韻

于公有社稷之功詩曷足以盡之而詩又品格甚高可與沈宋肩

明詩七言律卷四

二七

車

楊公家居上十餘乘朝士厭之欲中之

死節愈多
兩人乃有此
作夫公有詩
若此自足成
名而勞上疏
何為乎

務本苦心為
詩老而不
讀余所選
言明詩欲附
名焉而無祿
即世余故為
成之而其詩
兩雅不群有
靈光賦遺韻

正訪
以比
特指

驅車遠向大河陰，把臂相看意自深。莫嘆世途多險
巖，須知吾道有升沉。城隈倚杖看雲起，池上開尊聽
鳥吟。讀罷綠衣增感慨，千年重見古人心。

健根

號務本曾藩奉國將軍

贈張侍御來按東省

王郎承恩出禁中，霜威爭避五花廳。澄清漢代聲元
重，人物關中意自雄。繡谷影搖山月冷，朱衣光照海
雲紅。時清當道無豺虎，儘可逍遙問國風。

贈蘇孔隣叅伯之蜀

明詩七言律卷四

二天

諫垣當日擅雄名，鎮魯年來倍有聲。新命喜聞叅
大省，花朝忍見促行旌。錦江秀色迎仙櫂，峽口春風
聽曉鶯。昭代旬宣多暇日，探幽好為訪青城。

荅黎岱輿用韻

雞林赤熾仰崔嵬，雲裡雙鳧帶日來。傾蓋論交欣倚
玉，握蘭投轄共啣杯。乾坤得失聊停麈，風月襟懷且
上臺。眼底幾人稱國器，如君定是出郡才。

贈李漸菴督理漕渠

十載龍門夙望優，蘭臺斧鉞重分猷。已看泰岱回元

用漢官種貂
意不露形又
以文荷為對
甚佳

李君二作如

叢松下響落
落成韻殘秦
不得以布衣
相長矣

榻中酒連朝祇掩扉。寒減不須貂作帽。秋來好製艾
為衣。風塵何處堪回首。涇水行山願莫違。

李珂 字德佩安陽縣人嘉隆間文學

寄謝詩人茂秦

西遊客子隔壺關。落落孤懷劍色閑。杜甫有詩傳上
國。謝安無意返東山。雨中芳草連天碧。雲外音鴻計
日還。道氣相同俱老大。何時尊酒一開顏。

聞北伐簡孫撫軍

旄頭昨夜犯幽并。中國何人不講兵。鳳閣遙傳平虜

明詩七言律卷四

二二九

詔。龍沙新築受降城。書成孫武堪推轂。策就終軍合
請纓。一舉定知天驕遠。早看麟閣著勛名。

王崇義

號方田淄川人戊戌科進士官至寧波
府知府致仕

登鬻山謁鄭康成祠次韻

嗟峨山殿頰晴巒。路入層霄眼界寬。苔蘚尚留書帶
跡。煙霞不共酒杯殘。松崖日蔭蒼臺古。雲洞秋深碧
水寒。剩把賞心期舊隱。筆床詩卷若為看。

送方司訓致仕

征帆南下鴈聲秋。老景直成故里遊。旅夢久牽林壑

狂

偶於直指高
公處得王公
詩讀之詞華
蔚然音節洞
朗居然容玉
之調東海決
決其大風哉

望歸心直與漢江流。官閒似隱仍先棄。鳥倦知還及
蚤謀。須信五湖煙景勝。荷衣寧肯負漁舟。

次韻答李三溪同年

塵纓老我倦遊餘。多病慵干宰相書。松菊久荒元亮
逕。煙霞深入子陵居。柴門謝事無車馬。芸閣談經有
註疏。慚愧瓊瑤寄消息。五雲回首重躊躇。
一麾瘴海駐干旄。誰念風塵萬里勞。劉向不遷空歲
久。賈生無量但才高。勛庸謬付匣中鏡。劍佩輕回海
上舳。郢曲自高慚寡和。那應更賦楚人騷。

明詩七言律卷四

三

壁水逢迎信轉蓬。春明袍笏復相同。含香共憶鸚鵡
侶。負弩遙憐枳棘叢。論舊幾年雲署白。分題十里杏
園紅。歸來却恠忘機蚤。鷗鳥翻嫌海上翁。

十年江海吏情微。此日煙霞共拂衣。溪水夜明珠斗
合。田家春暖稻梁肥。行藏暗與浮生數。消息同遊造
化幾。何日論文尋舊賞。朔雲關樹謬相違。

同麻生再遊西庵僧舍遇兩

苦海塵津未有涯。相隨再到野僧家。仙槎已悟回頭
岸。靈雨重生上界花。銀葉一龕香篆裊。金身十丈法

輪斜尋綠瑱覺長生意怕水無勞聚劫沙

秋夜

十二龍賓護彩毫三千銀管繡鯨鰲誰言宋玉無長
劍自許王祥有佩刀銅水漏殘槐露靜鴈霜秋下塞
雲高鳳凰樓閣長安陌此夜相思與轉豪

周詩七言律卷四

三一

中流壯暮見冰烟帶岸空字接楚
去去石盡南雲多澤雜人行上洞
尾龍吟波盡日依山轉玉洋通宵
白水懸空首梅老可結猶如以得

去去新年

送客之願



